



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1624. usque ad annum 1627

**Fleury, Claude**

**August. Vind. [u.a.], 1778**

**VD18 90118863**

§. 34. Octavii Rodulphi Cardinalis extrema.

---

[urn:nbn:de:hbz:466:1-67369](https://nbn-resolving.org/urn:nbn:de:hbz:466:1-67369)

Sæc. XVII.  
A. C. 1624.  
Ecclesiam tanquam benignus filiorum Pa-  
rens, oviumque Pastor vigilantissimus  
summa sollicitudine regebat, ac pro  
Cleri sui restauratione, necnon sacra-  
rum Virginum profectu salutaria con-  
debat statuta. Pluribus insuper, iis-  
que publicis officiis præpositus, ubi-  
que illibatum a privato affectu animum,  
raramque rei gerendæ dexteritatem  
præferebat. Erat quoque erga pau-  
peres summopere liberalis, necnon in  
Religiosos Ordines præcipue Theatinos  
admodum munificus, demum etiam  
Regiensem Ecclesiam suam pretiosis  
donis vivus, moriens vero sacra Sa-  
celli sui suppellectile locupletabat.

## §. XXXIV.

*Octavii Rodulphi Cardinalis  
extrema.*

*Victor. in  
add. ad  
Ciacon.  
Ughel. Ital.  
Sac.*

¶ Idem hoc anno æternitatis viam die  
sexta Julii Romæ ingressus est Octa-  
vius de Rodulphis patria Florentinus,  
qui non minus generis nobilitate, quam  
virtutum splendore illustris, cum esset  
*utriusque*, ut vocant, *Signaturæ Refe-  
rendarius*, ac Ferrariæ legatus, anno Sa-  
lutis nostræ millesimo sexcentesimo  
duodecimo Arianensis Præsul nomina-  
batur, quam Ecclesiam non modo va-  
riis ornamentis, ac restaurato Semi-  
nario,



nario, sed præcipue exemplo, Ser- Sæc. XVII.  
mone, & Ecclesiasticæ disciplinæ stu- A. C. 1624.  
dio insigniorem reddidit, demum variis  
Ecclesiasticæ ditionis Præfecturis sum-  
ma laude defunctus, & a Gregorio XV.  
Purpuratorum Collegio adscriptus, ab  
eodem Pontifice ad Agrigentinam in  
Sicilia Ecclesiam translatus est, ad  
quam se mox contulit, ibidemque vitæ  
candore, prudentia & humanitate, ac  
reliquis virtutibus floruit, mortis ta-  
men invidia altero post anno vivis e-  
reptus est, non sine omnium mœrore:  
Annum agebat ætatis suæ nonnisi qua-  
dragesimum secundum, in Cathedrali  
Ecclesia sua sepultus.

## §. XXXV.

*Francisci Sfortiæ, & Fabritii Ve-  
ralli Cardinalium decessus.*

His subjungimus Franciscum Sfor- *Bentivol. in*  
tiam, & Fabritium Verallum, *Mem. hist.*  
quorum prior patria Parmensis huma- *Ciacon. in*  
nioribus literis, & Mathematicis, Phi- *vita Pauli V.*  
losophicis & Politicis scientiis, uber-  
rimo proventu animum adjecit; cum  
vero bellicus sanguis, quem a Majorum  
suorum gloria hæreditarium habuit,  
in venis suis adhuc ebulliret, decimo  
octavo ætatis suæ anno in Belgium,  
quod atroci bello deflagabat, profectus,